

zu machen ein jeder keine Gelegenheit darzu hat / soll man sie dann von andern erkauften / so kosten sie Geldt / vnd verteyhren die Arbeit : Diesen nun fürzu kommen / finde ich gut einen viel näheren Weg / als bißhero gebräuchlich gewesen / die corrosirische Wasser zu bereiten / auff daß der Kunstsuchende desto ehe seine intention erlangen möchte / bekant zu machen.

86. Diemeilen wir dann wissen daß der vitriol ein acidum universale, vnd Haupt Saltz aller Salzen ist / vnd sein Spiritus welcher darauß distilliret feuriger als / der / welcher auß anderen Salzen getrieben ist : also verstreckt uns ein oleum acidum vitrioli, für einen basin vnd Fundament / durch Hülffe anderer Salzen / vielerhand spiritus salium mit geringer Mühe vnd Kosten / sehr leichtlich in copia zu bereiten / als folget.

87. Wann man zwey Theil guten Salpeter in ∇ solviret / vnd ein Theil olei vitrioli, darzu thut / vnd per Alembicum destillirt so erlangt man 4. oder 5. ℥ . gut ∇ D H vnd Z damit zu solviren / kostet wenig Feuer / vnd gehet geschwind über.

88. Vnd so man ein ℥ sal commune, vnd 1. ℥ . Salpeter in 3. ℥ . Wasser solviret / vnd 1. ℥ olei vitrioli dazu thut / vnd per Alembicum oder retortamin arena destilliret / so bekompt man
6. ℥